

Mensahe 6

Ang Tulo-usang Dios diha ni Cristo nga Kinabuhi Nato pinaagi sa Pagsidlak sa Atong Kasingkasing

Basahong Kasulatan: 2 Cor. 4:4, 6-7; 3:18; Mat. 17:2; Efe. 5:8-9; Bug. 22:4a, 5b; 21:23

I. “Nga gibutaan sa dios ning panahona ang mga hunahuna sa mga dili magtutuo aron dili makasidlak kanila ang kahayag sa ebanghelyo sa himaya ni Cristo, nga mao ang dagway sa Dios”—2 Cor. 4:4:

- A. Gibutaan ni Satanas, nga dios ning panahona, ang mga hunahuna ug mga salabotan sa mga dili magtutuo aron dili makasidlak sa ilang kasingkasing ang kahayag sa ebanghelyo sa himaya ni Cristo:
 - 1. Kadtong mga nabutaan o nataptapan naghunahuna nga wala sila mosimbag bisan unsa; sa pagkatinuod, si Satanas ang ilang dios.
 - 2. Gisimba sa mga Atiesta si Satanas nga wala nahibalo sa ilang gibuhad.
 - 3. Halos tanang tawo karon nabutaan sa dios ning panahona.
- B. Si Cristo nga dagway sa Dios maoy kasanag sa Iyang himaya; busa, ang ebanghelyo ni Cristo mao ang ebanghelyo sa Iyang himaya nga naghayag, nagdan-ag, ug nagsidlak sa atong kasingkasing—Heb. 1:3; 2 Cor. 4:6.
- C. Ang ebanghelyo sa himaya ni Cristo mao ang ebanghelyo sa himaya sa dalaygong Dios—1 Tim. 1:11.
- D. Pinaagi sa pagpaambit sa kinabuhi ug kinaiya sa Dios diha ni Cristo ngadto sa piniling katawhan sa Dios, gisidlak sa ebanghelyo sa himaya ni Cristo ang himaya sa Dios, nga niini gidayeg ang Dios diha sa Iyang katawhan—Heb. 1:3; Efe. 1:3, 6, 12, 14.

II. “Kay ang Dios nga niingon, Gikan sa kangitngit mosidlak ang kahayag, mao ang naghayag sa among kasingkasing aron maghayag sa pagkaila sa himaya sa Dios diha sa nawong ni Jesucristo”—2 Cor. 4:6:

- A. Moresulta ang pagsidlak sa Dios sa atong kasingkasing sa paghayag sa pagkaila sa himaya sa Dios diha sa nawong ni Jesucristo, sa ato pa, sa kahayag nga makapaila nato sa himaya sa Dios diha sa ebanghelyo ni Cristo—vv. 4, 6.
- B. Naa sa nawong ni Jesucristo ang paghayag sa pagkaila sa himaya sa Dios; nagpasabot kini nga hiligugmaong persona ang ebanghelyo sa himaya ni Cristo kansang nawong makita nato ang himaya sa Dios—vv. 4, 6; Mat. 17:2.
- C. Ang himaya sa Dios nga napadayag sa nawong ni Jesucristo mao ang Dios sa himaya nga napadayag pinaagi ni Jesucristo, nga kasanag sa himaya sa Dios; ang pagkaila kaniya pagkaila man sa Dios sa himaya—Buh. 7:2; Heb. 1:3.
- D. Labing mosidlak ang Dios sa atong kasingkasing, labi sab tang mosidlak sa uban aron makaila sila sa himaya sa Dios sa nawong ni Jesucristo, sa ato pa, sa pagkaila ni Cristo, nga nagpadayag ug nagpahayag sa Dios; nisidlak una ang ebanghelyo sa himaya ni Cristo sa sulod nato, ug nisidlak dayon kini gikan sa sulod nato—Juan 1:18; Mat. 5:16; Fil. 2:15.

III. “Naa namo kining bahandi sa kulonong mga sudlanan aron maggikan sa Dios ang pagkalabaw kaayo sa gahom ug dili maggikan namo”—2 Cor. 4:7:

- A. Pinaagi sa kahayag sa ebanghelyo sa himaya ni Cristo, nadawat sa mga magtutuo si Cristo sa himaya nga labaw kaayong bahandi; ang nagsidlak nga realidad ni Cristo, ang pagkalawas ug pagpadayag sa Tulo-usang Dios karon, mao ang bahandi sa sulod nato—vv. 6-7:

1. Ang pagsidlak sa Dios, nga mao ang pagpaambit Niya, sa atong kasingkasing nagdala nganhi natog bahandi, nga si Cristo nga malangkobon-sa-tanan, nga pagkalawas sa Tulo-usang Dios nga Espiritung taghatag-og-kinabuhi nga mahimong kinabuhi ug tanan nato—vv. 4, 6-7; Col. 2:9; 3:4, 11; 1 Cor. 15:45b.
 2. Kining bililhong bahandi, nga si Cristo nga nagpuyo sa sulod, maoy diosnong tinubdan sa sangkap alang sa Cristohanong kinabuhi—Fil. 4:13; 2 Cor. 13:5; 4:7.
- B. Kining bililhong bahandi naghimo nato nga mga kulonong sudlanan, mga ministro sa bag-ong pakigsaad nga dunay bililhong pagpangalagad; pinaagi kini sa diosnong gahom diha sa pagkabanhaw; naggikan gyod sa Dios ang pagkalabaw kaayo ning gahoma ug dili naggikan nato—3:6; 1:9; 4:7.
- C. Kadtong nakadawat sa ebanghelyo sa himaya pinaagi sa pagsidlak nato makabaton man ni Cristo nga bililhong bahandi nga gipaambit kanila; unya, sama nato, mahimo silang mga kulonong sudlanan nga gisudlan ning bililhong bahandi—vv. 4, 6-7.

IV. “Kitang tanan nga dunay nawong nga wala mataptapi, nga nagtan-aw ug nagpasumbalik samag salamin sa himaya sa Ginoo, kamulong gitransporma ngadto sa mao ra nga dagway gikan sa himaya ngadto sa himaya, ingon nga gikan gyod sa Ginoong Espiritu”—3:18:

- A. Ang pagtan-aw sa himaya sa Ginoo pagkakita man nato mismo sa Ginoo; ang pagpasumbalik sa himaya sa Ginoo pagpakita man Kaniya sa uban pinaagi nato.
- B. Ang himaya sa Ginoo mao ang himaya sa nabanhaw ug nikayab nga Cristo, nga mao ang Espiritung taghatag-og-kinabuhi nga nagpuyo sa sulod nato aron magpatinuod sa Iyang Kaugalingon ug sa tanan Niyang nahuman, nakab-ot, nabatonan kanato, aron mausa ta Niya ug matransporma sa mao rang dagway sa Ginoo gikan sa himaya ngadto sa himaya; sa ingon niini gihimo ta Niyang sama Niya—Luc. 24:46; Heb. 2:9; 2 Cor. 3:18; Rom. 8:29.
- C. Nagpadayong kahikayan kini sa kinabuhi diha sa pagkabanhaw—2 Cor. 3:18.

V. “Kaniadto kangitngit mo, apan karon kahayag na diha sa Ginoo; paggawi mo ingon nga mga anak sa kahayag”—Efe. 5:8:

- A. Kay kahayag man ang Dios, busa kitang mga anak sa Dios mga anak sa kahayag—1 Juan 1:5; Efe. 5:8; Juan 12:36.
- B. Dili lang ta mga anak sa kahayag—kahayag ta mismo; kahayag ta kay nausa man ta sa Dios diha sa Ginoo—Mat. 5:14; 1 Juan 1:5.
- C. Kon naa ta sa kahayag, wala ta sa ginsakpan sa husto ug sayop—v. 7.
- D. Kon maggawi ta nga mga anak sa kahayag, mamunga ta sa bungang gisaysay sa Efeso 5:9:
1. Ang bunga sa kahayag maayo gyod sa kinaiya, matarong sa paagi, tinuod sa pagpadayag, aron madayag ang Dios isip realidad sa inadlawng paggawi nato.
 2. Ang bunga sa kahayag diha sa pagkamaayo, pagkamatarong, ug kamatuoran may kalabotan sa Tulo-usang Dios:
 - a. Ang Dios Amahan nga pagkamaayo maoy kinaiya sa bunga sa kahayag; busa, nagpasabot sa Dios Amahan ang pagkamaayo sa versiculo 9—Mat. 19:17.
 - b. Nagpasabot sa Dios Anak ang pagkamatarong, kay nianhi man si Cristo aron mohuman sa tuyo sa Dios sumala sa matarong nga paagi Niya—Rom. 5:17-18, 21.

- c. Ang kamatuoran, nga pagpadayag sa bunga sa kahayag, nagpasabot sa Dios Espiritu, kay Siya man ang Espiritu sa realidad—Juan 14:17; 16:13.

VI. “Makakita sila sa Iyang nawong...mohayag nila ang Ginoong Dios”—Bug. 22:4a, 5b:

- A. Kabulahanan sa Tulo-usang Dios nga mapahimuslan sa Iyang mga tinubos sa eternidad kanang makakita sa nawong sa Dios ug sa Cordero—v. 4a.
- B. Mosidlak nato ang Dios mismo diha sa Cordero, ug mabuhi ta hangtod sa hangtod diha sa mahimayaong paghayag Niya—v. 5b; 21:23.